

3
34804



16259

6
18

第二十一冊

人物志

卷五十七孝友

附義行

卷五十八文苑

續河南通志

續河南通志卷之五十七

人物志

孝友 附義行

我

國家以孝治天下特著

令典各建忠孝節義祠於郡縣

命有司歲時祀之所以牖世覺民之意至深切矣中州為

丁蘭郭巨申屠蟠諸孝子故里聞風興起尤足多者

况沐浴

聖化百數十年淪肌浹髓者乎則何怪乎醴泉甘露芝草

異木之瑞之所在皆是也若夫荆花棣畧式好無尤

續河南通志

卷之五十七

人物志

孝友

一

開封府

以至睦嫻任郵義聞表著鄉里間此固錫類之所由
推執一術而百善至者也以類附從宜哉續孝友志

開封府

張文光祥符人進士知曲沃丹徒二縣歷江南池太副

使道父母卒各廬墓三年哭聲振林木行路哀之

朱運隆字順川祥符人父病刲股以進順治初授夔陵

遊擊以親老辭職子續年九歲亦母病割股

馮瀚鄭州諸生明末寇亂父赴中牟城破瀚負母而逃

路遇父被賊縛哀告痛哭願以身代賊感釋之遂居

原武縣採樵以養其親父母歿廬墓終身乾隆三年

奉 旌入祠



邵錫珍榮澤人歲貢建標養子建標任分水訓導卒於官貧不能還錫珍鬻妻扶父櫬奉母以歸周邦朝汜水人值寇起負母挈弟避方山賊至將刃其母哀號以身翼之賊舍去

李柱字弋書榮澤庠生康熙間父遭冤死常恨仇未雪越數年遇仇於塗刺殺之復刲股肉祭父靈自首就獄官憫其孝出之

閻理字彞公祥符人父病骨寒捧父足以寢者七年母病湯藥必親嘗日夜侍床第及父卒廬墓三年郡守旌其閭

朱萬元祥符人幼孤事母盡色養營兵張某征南不返續河南通志卷之五十七人物志孝友二開封府

父母謂已死將嫁其婦萬元乃偽爲其子書云計日歸且函白金八兩妻不果嫁及張歸夫婦得如初買雷姓子爲僕聞其止一男焚券還之又縣役負官租逃官寘其妻子於獄萬元曰予有宿負宜代完官租妻子乃得出寔與縣役不識也子超辛卯舉於鄉授懷柔知縣

余正華字君貞禹州貢生父爵討賊殉難正華終身養母不仕鄉謚貞孝先生乾隆八年祀鄉賢

李嗣臬禹州人母病嘗薑甘苦病旋愈人謂爲孝感所致

周南汜水人父病醫藥罔效刺指血撰文禱祝文內願

以身代四字火書不化父病旋愈弟杰事母亦以孝

聞

潘之鰲字占獨通許諸生幼喪父事母以孝聞值寇起
鰲左右其母幾死者數撫弱弟之驥盡友愛田產任
所擇鄉黨隣里多化之

王化民汜水人家貧採樵養親時山有虎灾化民偕弟
入山刈荆相距數十武聞弟呼號聲急奔赴氣已絕
王乃負尸歸行里餘虎尾其後舉霜鏃斫之虎退又負
里餘投小村虎復至力疲不能闢村人羣出救之得
歸葬弟之口虎亦死

胡守安鄭州人少失怙事母甚孝及沒哀毀扶杖乃能

續河南通志

卷之五十七

人物志

孝友三

開封府

行寇亂負幼弟渡河經營以給其食曰是我母所愛
者妻子弗顧也二子皆爲諸生鄭人又稱其拾金不
昧

王之清通許人事兄之強甚恭兄卒事嫂張如兄撫遺
子成名順治十年拾遺金數百兩還之

禹益汜水諸生母病侍湯藥衣不解帶者四旬及卒慟
哭嘔血晝夜不絕聲既葬廬於墓側寢苫枕塊者三
年

周大訓字永傳汜水人增生事母張甚謹母病醫藥罔
效每夜焚香禱天一日遇老僧出天竺黃少許投之
卽愈僧言寓佛陀寺往謝之無其人母歿後親營窆

歿墓木產靈芝一

趙之俊字越于汜水人增生母早逝繼母性嚴急父母撫之俊涕泣之俊曰父無慮兒自能善事吾母委曲承順深得繼母心及父歿事繼母益謹子三少失母亦撫育備至後之俊歿母痛悼不置每哭必呼喪吾孝子遂成疾卒

李登璉杞縣人年十六喪母事父宗孟夜必寢床下以候伸欠雖喪亂播遷未嘗離左右父歿璉已六十孺慕不衰葬畢廬墓側奉主廬內寢苦食粥朝夕哭拜上食如初喪時負土成墳服闋終不返舍卒於廬縣令旌之

續河南通志

卷之五十七

人物志

孝友四

開封府

靖萬道榮陽人竭力奉親未嘗離左右甘旨之奉皆先意曲體得親歡心及卒廬墓三年

潘沆字文江蘭陽人母病衣不解帶焚香祝天願以身代母病遂愈康熙十三年大旱邑令開倉放賑倉已告匱沆倡議捐賑賴以全活者甚衆

王文煌字子輝蘭陽人事母韓色養無違及卒廬墓三年

侯運盛字宜初杞縣人事親孺慕執親喪期年不食菜果三年不飲酒食肉夜宿喪次寢苦由絕意仕進專肆力於詩古文辭老年益嗜學不倦晝所讀書夜則卧誦聲徹四隣無間寒暑年八十四卒所著有燕雪

堂詩稿

侯運隆字鍾灝杞縣人事親色養兼備念伯兄老年喪子爲飲饌供衣履嘗曰事親有愛日之孝事兄亦當有愛日之敬中年無子計終歲衣食外悉以周貧乏逾五旬獲二男著有待竹軒文集聞可堂詩稿

張星字子朗祥符貢生居父喪甚哀比葬廬墓三年母兄負累二千金破產代償終身未嘗向人言爲文羽翼經傳手抄先儒語錄至老不倦子弟甫能言卽口授孝經小學諸書倡立義倉積穀數千石以周貧乏卒祀鄉賢

燕爾翼字次憑杞縣人居親喪泣血三年偶親手澤輒續河南通志

卷之五十七

人物志

孝友

五

開封府

泣數行下額其堂曰永思每有義舉輒慷慨爭先博學善屬文尤好接引後學一時名士多出其門康熙甲子舉於鄉除陝州學博

劉星字普朗祥符庠生十三喪父事母至孝母病刲左股和糜以進忽異香滿室母怪問之星以他詞對母病尋愈纂修邑乘多所釐訂

侯如曾字輿述杞縣人母病革時思食芻苳市無鬻者方索之樊圃而母已逝後觸是物輒歔歔流涕弗忍食族人以有以田百畝典於其父者及父歿積欠地租并原值不能償置弗問又親族稱貸券數十紙悉焚之嘗構舍工匠掘地得五百金白郊曾曰君誠寔吾

輩不忍欺如曾笑却之晚歲益嗜學不倦初與從兄
京曾共視席各以詩文稱

侯京曾字孝則杞縣人年十二失怙守禮如成人母病
劇刺股血書禱於神願以身代及卒哀毀骨立事伯
兄尤恭謹著有鶴珠堂詩集

朱良璧字連城陳留人父景以毛詩授諸生從者恒百
餘人良璧早喪父事母以孝聞戚友劉某爲怨家誣
被逮無敢援者良璧左右之事始得解其師李繼茂
死於賊爲收葬成服人高其行孫曾數十人五世一
堂家門雍睦邑令表其廬

梁中立字定一滎澤貢生不得於繼母楊氏被逐別居
續河南通志

卷之五十七

人物志

孝友

六

開封府

夜讀書晝入山樵採得直輒易佳味饋母楊所出弟
復與每陰以錢麥來饋相與執手涕泣後弟爲婉曲
分解母意釋命歸給以田宅母死慟哭幾絕復與友
愛其兄鄉人嘗以王氏祥覽稱之

李鳴德字見宇滎澤增生幼失母哀慟如成人事父先
意養志及卒廬墓三年孀母武孀居無依迎養六十
餘載葬祭以禮乾隆六年旌表

霍福鄭州人父歿典身營窻窻備極拮据妻王氏割股
療姑

劉成文鄭州人與異母兄同居兄廢所分產而他徙後
嫂亡貧甚成文迎歸均已產之半以贍又爲續聘延

嗣續焉

張士標字準公陽武人父母歿柩未葬值黃河漲溢廬舍漂沒隣里悉逃去士標夫婦泣曰吾安忍棄親柩於水中也乃設蓆棚夫婦相守兩旬水始落柩得無恙

張士恒字月如陽武人母亡事父以孝聞父性好施予恒先意承志妻孟氏亦能佐之父卒晝夜涕泣寢處苦次不入內者三年以哀毀卒

子展字孟成通許人父亡弟表甫四歲賴以成立爲娶婦生子七日婦卒展命妻楊氏撫養及冠始歸以父所遺產盡歸於弟

續河南通志

卷之五十七

人物志

孝友七

開封府

徐貴章通許人年六十二母孫年八十五得病飲食不下咽五日貴章割股作羹進母病旋愈

景昇字方升通許武庠生幼失怙家貧奉母甘旨無缺母老無齒妻胡氏以乳食母葬後掘地覆茅夜號其中晝則負土封墓日久成病卒於墓側

張光派字紫宸杞縣人六歲喪父三年不進葷菜採蘆織蓆以奉母伯兄患痰症親湯藥歷寒暑不懈撫孤姪成立

段楷祥符人父病噎六月楷侍湯藥目不交睫及卒水漿不入口數日廬墓三年母壽將及百齡楷七十餘依依孺慕老而彌篤

王道中禹州武生年八歲母馬氏病繞床啼父買果誘之曰母不食豈忍獨食跪禱顙天母病旋愈嘗赴府試行至尉氏忽心動遂歸父果病見之甚喜病立減後父歿廬墓三年六世同居百口雍睦康熙壬寅歲歉出粟五十石周里中重修藍水河石橋置義塚鄉人義之

王昌字惠字禹州人歲飢散積穀以活衆立義塾教授生徒鄉黨孤貧者多助之

王曰恭字子莊尉氏人授州同職康熙戊子己丑間山東大飢流民塞途恭於要路設巨桶貯麵過者人一升數月無間全活甚衆染疫死者爲具棺瘞葬前後續河南通志卷之五十七人物志孝友八開封府以五六百計戚族貧乏者按戶存問計口授餐巡撫旌其門

孫賢禹州人兄弟五人六世同居

劉德行字子懿密縣庠生家世忠厚五世同居

李若玉陳留人庠生父病爲父嘗糞病遂痊

謝法鄆陵人五世同居雍睦無間郡守旌之

王基新 邢丕烈 趙維宗 何銑俱祥符人

彭如松 鄭重樓 侯林 邵子才

宋遇科 李康 鄭恕 王自親俱杞縣人

十二人皆居喪廬墓 黃元卿陳留人 劉仁聞 祁展方

曹燮 范我馳 李柱 張顯

陸京 康用錫 顧雲霄俱杞縣人 侯報公

王文曾俱暹許人 古良臣涪川人 李太陽 孟寔俱封邱人

純國憲 肅元奏 李化鵬 張儀

王問禮 李守忠 陳光祚俱儀封人 張宗顯

宋繼孔俱滎陽人 梅九河 葛仕義俱汜水人 王際泰禹州人

劉清 韓仁俱密縣人 李四貴 高良福

吳文朗俱新鄭人 以上三十人 俱割股療親疾

朱大州陽武人性仁孝母疾顛天乞以身代兄弟友愛

歲大祲捐助衣食掩暴幣里民德之

倉沃字野干中牟人性孝友周恤鄰里羣感其德乾隆

四年歲荒出穀三千餘石施濟有司旌之

續河南通志 卷之五十七 人物志 孝友 九 開封府

劉政鄭州人樂善好施嘗拾遺金七十餘兩還之歲凶

施糧助賑全活者多

倉士琅中牟人以諸生貢成均事親極孝乾隆己未歲

荒罄積穀以助賑辛己水灾具舟載粟遍施之

婁望舉鄭州人親歿廬墓好施予里人德之

李嶽滎陽人幼貧母死不能殮以身質錢營葬刻木為

像事之弟負債設法代償閭里稱之

趙六奎字星吾封邱武舉事父母以孝稱每侍側進食

視飲啖之多寡為喜懼及歿哀勵動隣里乾隆四年

被水灾命子全義捐穀千二百石助賑

貢生曹鍾監生李挺汪國鼎俱封邱人好善樂施以義

聲著國鼎壽一百三歲

朱塘禹州人父卒事祖母董孝頤養幾四十年董壽百有二歲繼母蔡多病侍湯藥十年不懈處兄弟盡友愛鄉里有貧乏者每飲助之

李德温尉氏貢生性好施人多戴其德邑有雙洎河行人病涉德温捐六百餘金建長橋以濟之

張進忠祥符人 劉嗣奇 劉光裕俱陳留人 鬻猛翁

孟罔驍 王家嘉 孟晟 趙熠

趙大成 王寅清 孫平 陳力仁

趙駒 趙葵 陳永公俱杞縣人 孫承宗

王國士 王賓 何從坤 王國生

續河南通志 卷之五十七 人物志 孝友十 開封府

史左史俱通許人 楊廷翰 劉聲表俱沛川人 饒興昌

楊樹德俱鄆陵人 孫秉璋 馬世名 王紹素

劉敬躋 程希聖 張尊性 李如璧

王元諮俱陽武人 靳醒 傅泰俱蘭陽人 尚觀光

張際泰俱儀封人 郭禦城 毛兆夢 毛正

宋選 馬承先 馬心孔俱鄭州人 李鐸

宋坤 宋夢弼俱滎澤人 李露曉 馬永清俱滎陽人

禹鯤 王基亨 張星麗 陳銍

何如德 傅樞 馮念謨 王建池俱汜水人

冀倬 陳三哲 陳從任俱禹州人 李學易

陳國夏俱密縣人 敦本厚族好善樂施以義聲著 張名顯汜州人

張九疇

鄆陵人

張侯

孟師級

王燦如

弓傑

俱鄭州人

何憲古

王從

俱汜水人

楊世華

王道中

俱禹州人 出粟賑荒全活甚衆 以上十人

路培

祥符人

周蘭

杞縣人

晁晟

馬得才

封世英

王汝爲

俱鄭州人

方明輔

王愈泰

俱滎澤人

李海

張寅斗

俱滎陽人

王士良

郭躍蛟

俱密縣人

二人拾遺金訪還原

主

續河南通志

卷之五十七

人物志

孝友

十一

開封府

歸德府

李紹祖商邱人十歲而孤弟繼祖甫晬紹祖業醫養母流賊破城紹祖負母逃弟爲賊所掠母哭之失明紹祖每夜顛天禱祝如是數年一夕夢神告曰汝弟在桃源爲僧紹祖亟趨桃源携弟歸母目復明

李薛字諧孟夏邑人讀書不出戶者二十年康熙庚辰成進士授翰林院庶吉士天性孝友父歿三年不輟哭泣撫季弟成立田產盡讓之在都聞母病惻然曰父不及養母不能事何以官爲倉皇歸里驚鬱成疾竟先母卒事聞言者請治私歸之罪掌院韓蒺力救免議薛受生時父夢郡守薛公諧孟詣其家遂命名續河南通志

卷之五十七

人物志

孝友

歸德府

詳見王士正居易錄

韓介塘鹿邑人世父煒任廣西宣化縣丞父煥隨之明年歸道死桂林煒亦卒於官介塘家故貧行乞五千里至桂林得父觀宣化又遠在千里外道次潯潯倅劉楨白其孝於同官探囊助之肩兩骸骨歸葬

竇容端字正子柘城人父克勤疾憂勞彌甚然香禱天容貌毀瘁無復生理父疾少瘥見端形瘠憫之端曰父病除兒瘦頓肥也不數月竟卒所著有慎獨齋毋欺集慎獨齋詩文等集

范世銘虞城諸生家居食貧竭力供親同妻萬氏對咽糠粃父病禱天乃愈母久患病親滌汙穢者三年父

母相繼歿世銘哀毀成疾卒

劉宗虞城人監生母卧疾六年宗與妻范氏侍養一息不離及母卒宗晝夜長號淚盡繼之以血越十餘日亦卒

俞五福虞城人以編栲爲業父早逝奉母盡孝母卒結廬墓側朝夕捧土築墓不雜髮邑令旌之

孟承謨字丕顯睢州人幼受孝經小學輒志躬行母疾一日疾馳四百里以醫歸治得愈以貢選裕州訓導丁內艱廬墓泣血服闋除陝州學正不赴

郭揚字子聞商邱人父歿哭泣流血每時祭嗚咽不自

勝處諸弟怡怡無間言好學不求聞達日采經史前續河南通志

卷之五十七

人物志

孝友

三

歸德府

言有關法誠者書以自警家貧日一食無困悴狀或勸之生殖笑而不應時高其節稱爲郭處士

劉澄璽字德容夏邑諸生常推所有以舒人之急歲飢出穀八百石助賑邑令欲列狀上聞力辭乃止

孟其昂字羨超夏邑諸生母病侍床簣衣不解帶者數月及卒哀毀骨立觀者感嘆普濟堂初建昂出金數百穀二百石功遂成又長爲祭衣製藥餌以助貧病路建屏寧陵人事親孝母卒一慟而絕

鄭人字八一夏邑諸生事親純孝父歿廬墓三年負土

成墳

陳倫阡字鶴山夏邑人母病日朝夕跪舐目遂復明父

病親嘗湯藥洗濯污垢雍正甲辰 詔舉孝廉方正
郡邑上其名辭不就

孟曙字賡光睢州人乾隆庚午舉人事母孝親族無力
者必厚周卹之乾隆四年灾捐千餘金二十二年大
饑分穀全活者百數家

貢生蔣應運生員吳際隆褚允聲褚洵俱睢州人以孝
著

蔣泰字宗仁睢州人事親備極色養既卒葬三年不飲

酒茹葷不入內不見齒修學官費千餘金置義庄以

贍族人歲凶周濟貧乏無倦色

嚴清虞城人寶克恭柘城人李之本考城人趙吉祥鹿邑人

續河南通志 卷之五十七 人物志 孝友 齒

四人俱制 盛夔發 張次房商邱人 王 樛

張璞鹿邑人 郭斌寧陵人 李國棟永城人 以上六人

皆敦本厚俗好善樂 施以義 蕭勛鹿邑人 繡 崔養氣永城人 以上

三人俱拾遺 金訪還原主

續全書卷之五十七

續全書卷之五十七

續全書卷之五十七

續全書卷之五十七

續全書卷之五十七

張可光獲嘉諸生母抱夙疾卧床褥光與妻賀侍湯藥
五十年不倦後遭寇亂置母篋蘿中昇至棗林艱苦
不少辭母年九十五終光哀毀骨立廬墓三年後潛
居共城百泉著有寄寄廬寄言庸言稗集

李大生天叙子號碧虛汲縣人父歿時甫九齡勤誦讀
奉母先意承志母病禱神願以身代有利濟事率爲
倡義邑人賴之

賈宗孔新鄉人性至孝母病瀕危宗孔割股和湯以進
病尋愈

郭士棟字公隆新鄉人事父澆母茹諸同產兄及迎養
續河南通志 卷之五十七 人物志 孝友 五 衛輝府

寡姊撫諸從子極其孝友慈愛痛父死王事淋漓洒
血昭白于 朝得優卹及母卒毀瘠不欲生會生日
懸兩親遺像拜哭不止越旬無疾而卒士棟素從孫
竒逢遊經術深醇訂有大易書解

趙璫獲嘉人邑諸生九歲喪母號泣不欲生母能書見
所遺墨蹟輒流涕不已繼母宋得咯血症醫云脉絕
無生機璫嘗糞以驗雍正癸卯河決水驟至居民走
避璫慟哭守父柩水尋退得無恙妻張氏孝事姑嫜
鄉黨交稱之

劉芳譽濬縣人母病嘗糞祝天願損已壽延母母病旋
愈又二十餘年母卒隆冬營喪葬日徒跣數十里股

足俱流血觀者感泣

武承勳汲縣人爲童子師以貧負逋爲債家所訟因避
出與同里王德儒遇於內黃拾遺金一囊瞿然曰我
負債僅二十金致奔亡此當爲行客所遺脫亦從稱
貸來將益苦累吾當訪其人德儒亦從而和之行至
芝望鎮客有劉儀者失銀三百兩詢之果符卽以囊
金還之儀願分半以謝不受叩姓氏不告而去內黃
令聞而異之欲見其人時承勳已行獨德儒尚留踪
跡得之爲詳請 旌表

續河南通志 卷之五十七 人物志 孝友 六 衛輝府

魏仲之爲精簡 感表

令聞而異之治具其人郡承勳占行獨德儒尚留
金還之儀願分半以謝不受叩姓氏不告而去內黃
芝望鎮客有劉儀者失銀三百兩詢之果符卽以囊
貸來將益苦累吾當訪其人德儒亦從而和之行至
員前贈二十金致奔亡此當爲行客所遺脫亦從稱
出與同里王德儒遇於內黃拾遺金一囊瞿然曰我
負債僅二十金致奔亡此當爲行客所遺脫亦從稱
員前贈二十金致奔亡此當爲行客所遺脫亦從稱

懷慶府

婁繼勲原武人十歲喪父哀毀如成人事母孝母卒苦
塊柩側既葬廬墓三年負土成墳

劉宗式孟縣諸生力耕養母母終結廬增土三年死墓
所

唐應芬原武人母李氏病與妻郭氏晝夜泣禱割股進
食母病尋愈

倫天叙河內人母卒廬墓側以貢生任瀏陽丞
孫山河內人廬母墓踰三載偶失火將及廬天忽雨滅

劉之人以為異

趙子命

溫縣人

王自義

武陟人

皆

申自立

續河南通志

卷之五十七

人物志

孝友七

懷慶府

楊國相

河內人

張亨泰

王寬

王路

侯大成

溫縣人

殷

乾

孟縣人

以上七人皆拾遺金訪還原主

衛天祿河內人母卒廬墓側以貢生升職國丞

食母肉尋愈

田勳長風人母李氏病與妻陳氏晝夜泣禱割股

所

樓宗友孟縣諸生力耕養母母終結廬增土三年死墓

與弟儼同養母墓三年負土成墳

董顯鳳宛人十歲喪父哀毀如成人事母孝母卒

續通志

史彬字雲襄洛陽人順治辛卯舉於鄉性孝寇陷洛值母歿人俱避獨彬守柩不去羣盜義之教其弟良成名友愛甚篤官高陵令陞中書

趙朗字明陽鞏縣庠生明末流寇肆虐遶父染疾朗年甫十四負父逃難賊至異其少釋之父歿哀毀骨立邑尹旌之

孫之緒鞏縣人年十三喪父事母孝明季洛南斗粟錢數千一日負米歸中途遇寇遽奪之泣曰有母在寇曰幼子知念母孝子也還之後隨母避亂寨上寇至刃其左臂母子共墮壑而皆未死因渡河年十五卽授徒以養母順治初入庠食餼貢成均

續河南通志

卷之五十七

人物志

孝友

文

河南府

董蘭偃師人父爲人誣陷下獄論戍蘭竭力營救訟之上官被捶幾斃事終得白

楊梓字木王偃師人父卒三年不落髮不入內不御酒肉事母益謹母歿盡哀如居父喪時

黃大申字定遠嵩縣舉人幼孤事母孝母病痿申侍寢側衣不解帶積十餘年無倦母喪哀毀絕食累日鄉黨稱孝子

張寬嵩縣人以貧讓其產於二弟隻身走南山竇店墾荒常不遠百里負米歸養其親所居山徑苦崎嶇寬鑿石開路復築室道旁以便行旅拾遺金訪還其主

居民素好鬪自寬居之而忿爭息邑令旌之

劉明嵩縣人年十八隨父襁挾入山父遇虎攫明奔救
舉斧格虎虎棄父向明明連斫之虎復攫其父銜父
脛明益奮力擊之時衆驚佈有却走者俄見虎伏
地羣譟逐虎虎已斃而其父得不死邑令旌之葛寨
何小吾亦殺豹救父鄉人並稱之

李景泰

鞏縣人

傳挺

寧之愚

孟津人

以上三人並以孝著

黃江如

王

失各宜陽人

楊從政

海池人

邢大邦

嵩縣人

四人皆親死廬墓

張一星

李興泰

王富

鮑悅齊

偃師人

馬一龍

張雲

宜陽人

李有才

嵩縣人

七人皆割股療親疾

楊景賢

偃師人

乞食養親

張戊

偃師人

續河南通志

卷之五十七

人物志

孝友

五

河南府

之難 嬌母

王星煥字東井孟津人少失怙恃讀書見父母字輒流
涕失聲自壯至老事無巨細必詣壘跪白如受庭訓
前甲申土寇攻城圍甚急衆危懼星煥毅然白令願
冒死赴賊營喻解之乃縋城出對賊陳利害圍遂解
鄉里義之耿介爲立傳壽九十餘

陳璿字恩南孟津人明季避亂居洛流寇圍城當事推
璿督率守禦及城陷賊知璿名欲降之璿刎頸幾死
賊監之幽室子三錫九錫詐爲賊黨夜入殺守者負
父出順治初以明經授教諭

翟世有孟津農民出耕拾遺金百餘兩携歸謂其婦曰

吾昔嚮布得錢三百遺於道幾不欲生此纍纍者人何以堪乃訪其人還之事聞旌表

董一世洛陽人康熙丁酉舉人五歲喪母哀毀如成人孝事繼母田產悉讓美好者於兄弟族叔嘉孚愛其篤志勵學助良田二百畝為膏火資世悉與兄弟其之後因兩兄鄉居不得時聚且貧甚迎歸同居代完賦稅嘗設家塾戚族子弟多所成就年八十六復上公車授內閣中書

董金甌洛陽人庠生年十四喪父擗踊哭泣絕而甦者再事母以孝聞母歿哭之慟踰時而卒生平銳志於古精書法尤工篆隸著有友漢堂篆法辨難等書

續河南通志 卷之五十七 人物志 孝友 三 河南府

牛法嵩縣人家貧力穡積地百餘畝平生未嘗讀書而心竊慕之捐屋一區以為義學地四十畝歲藉所入延師教同閭貧家子乾隆三十年邑令康基淵建社學法已故十餘年矣子元爵猶守行之乃議還地畝而存其半以成其志

劉顯祖洛陽人拔貢生任固始教諭父櫻危疾嘗冀甘苦以驗吉凶衣不解帶者累月事繼母能得其歡心父性慷慨好施及卒承先志尤加惠族黨

蘭楠然 王道成 姬周嗣 王繼世

史宏緒 李振鐸 王家賓 蕭涵

徐珩 徐大有 張熙載 李希藩

韓佐德

王大典

王大謨

韓國臣

戴鵬霄

董國士

常玉乙

李生恩

郭秀英

賈守芳

段成繡

趙瑜

鐵重器

李生蕃

張繼先

蘇接聖

李發榮

李含輝

李希靖

姬璜

田茂雲

王琦

張起朝

王顯鳳

姬卜世

席君敬

彭貞元

王長民

王廷陳

王惠民

段若炳

偃師人

趙賜珪

劉王輔

姚允猷

尚藝

李子希

張鳳蘊

鞏縣人

梁家芬

劉于寬

登封人

劉日寧

邵潤輝

茹際泰

茹雷生

孝友

檀加德

續河南通志

卷之五十七

人物志

孝友

河南府

陽進賢

劉澹

趙從寅

澗池人

以上五十人皆樂善好施

邢名世

董銓

鞏縣人

劉守國

茹邦奇

陳呈素

王依天

王任

宜陽人

申爾瑞

登封人

八人皆拾遺金訪還原主

朱世法裕州庠生八歲時父以他事忤軍門繫獄欲置之死世法乞食活父抱狀攀各上官轅哀號求救上官憐之代爲昭雪父竟獲免

李灝字九嶼永茂子鄧州人廩生廕錦衣衛指揮早失母事繼母以孝父卒晝夜號哭目爲之盲母沒遂辭恩廕扶櫬歸葬無子以弟鴻之子杜爲嗣杜事親亦以孝聞弟產薄割己田六頃與之

丁元昇鄧州人孝事繼母流寇亂母病不能行與其妻劉氏負母一日夜行二百里避地襄陽上官聞而獎之

續河南通志 卷之五十七 人物志 孝友 三 南陽府

龐人龍字羽淵鄧州人負父避寇難屢遇賊欲擊之人龍跪泣願以身代賊義釋之及歸白骨遍野人龍捐義塚掩埋康熙間舉鄉飲

邢法瑞桐柏人家劇貧父瞽母病憊年十餘乞食養親雖風雪必三返其舍擇鮮潔者另貯一器人問其故曰進父母耳偵之果然時或僅足於供先作饜飮狀曰頃某村曾飯我矣父死出入經行瘞所輒涕泣晚就寢母側俟母熟睡潛以己衣加覆其上稍壯村人感其孝佃之以田不復行乞孝養終身

樊翰字奕文桐柏舉人親歿哀毀踰禮廬墓側服衰歷三寒暑不易後任三水令痛親之不及養也粗衣淡

食去之曰邑民歌之

王文鄧州人父宏基疾危文割臂肉爲羹進之艾尋愈越三年父死不能葬文賣身得值葬父并其祖葬焉謝君敬字翼之內鄉諸生以孝友稱持清節不入公門蠲田贍學中貧士兵後大疫君敬蠲負郭地爲義塚掩骼埋胔及歿祀鄉賢祠

林汝楫新野庠生少而勤學與昆仲均勞逸母病晝夜問視及母歿以哀死

陶華春字灼三新野庠生母患癰症華春憂瘠骨立衣不解帶雖中夜呼無不立應事兄全春愛敬老而彌篤族黨中婚嫁喪祭無力者必推所有以周之中丞續河南通志卷之五十七人物志孝友

雅爾圖表其閭

趙玠新野庠生父病歷數月玠侍湯藥衣不解帶父卒號痛幾絕長兄雙瞽玠盡以祖業讓之兄不事生產家漸破玠仍與兄合居奉養無倦色

李興宗新野人家貧傭工以養其母朝夕無少缺奉孀嫂撫孤姪終身無異言目不識書而孝友出於性成鄉里稱之

唐俞字五臣鄧州庠生母病親進湯藥衣不解帶者十餘年及歿三年中日赴廬痛哭族鄰有貧乏及婚喪不給者輒爲周濟

翟鳴陞南召人傳克類泌陽人賀偉張藩

許浣 高元超內鄉人 張赫 王加召

王加聘 葉縣人皆以孝友稱 以上九 丁衡 唐縣人 世 丁如濂

李英 丁始隆 龐松 李宗密

張在 鄧州人 謝奉六 內鄉人 劉茂蘭 葉縣人 以上

十人皆親 護春 南召人 梁大臨 馬明信

盧景舜 鄧州人 陳四喜 樊輔周 田洽育

吳貴 新野人 張希舜 湖州人 徐傑 裕州人 以上十人皆割股療親疾

劉實秀 葉縣人 世同居 六

劉建猷字翼皇鄧州庠生父歿撫二弟成立族祖母姑

婦守志奉養二十二年歿為殯葬族叔負官穀出已

粟八十石代償堂叔流寓湖廣迎歸完婚給田百畝

續河南通志 卷之五十七 人物志 孝友 南陽府

康熙三十八年大疫買棺瘞死者四十二年歲飢百

餘家待以舉火人稱義門

王瑞字楚石鄧州人周給婚喪助建普濟堂及石橋所

費四五千金嘗遊大梁值疫癘施棺木以千百計路

遇鬻女者泣於道即為代償亦不告以姓名子輯遠

亦以義著

王之孚 靳志孝 褚賢 喬致和

郭屏 南召人 唐超裔 江淶 申侯

丁三事 鄧州人 王豪 蘓劉 沈亮

張傑 馬鳳 裕州人 杜作棧 葉縣人 以上十人皆樂善好施

王公輔 葉縣人 拾遺 金訪還 原主 胡永壽 舞陽人 義僕

汝寧府

薛掄元遂平諸生父歿廬墓後舉約正里有兄弟爭產者掄元曲喻之遂友愛如初又嘗道拾遺金訪其人還之鄉人負其財願納女堅却不受立焚其券乾隆二年奉 旌

張素裕西平人事母孝值歲飢母曰凡比屋而居者多宗族姻婭也吾家忍獨飽煖乎素裕卽捐地數十畝並出布綿及所儲穀以贍之有司以事聞奉 旌

趙永漲字纓可西平監生邑之汝水繞城西北而灑水西來注之下流至朱臯鎮入淮每夏秋水泛西平上蔡汝陽新蔡固始諸邑並受其患自元明以來塌舞續河南通志 卷之五十七 人物志 孝友 五 汝寧府

陽之渦口截無流北入澧代修代圯蓋灑水滙西南諸山之水於舞陽入澧沙則所過地少而害輕趨西平合於汝水則所過地多而害大乾隆十五年巡撫鄂容安建議修築檄下郡縣永漲卽以身任爲請因故跡是完是增計費二千金後塌潰復修費又數千至今民受其賜

趙鑑西平人倡立義學邑人多所成就五世孫出凡貢生樂善好施咸黨有急每傾囊助之

張惠民西平人鄆城關泥河九孔橋壞惠民蠲力捐修費二百餘金

陳州府

劉杓太康人聞寇警急扶母行見賊入室恐傷父疾趨歸大罵賊賊恻殺之

李煥字澹菴沈邱人明末張獻忠陷潛山煥父孕嘉懌慨殉難煥以諸生匍匐叩闔疏三上得贈太僕少卿兵火之後家業蕭條事孀母先意承志喪葬盡禮率子專以耕讀爲事弟鼎玉子開第登進士仲子登第成孝廉煥以明經歷任教諭陞國子監學正著有讀騷樓詩稿及語錄

劉發陳州舉人曾祖附名祖瑞色明季俱以生員殉流寇之難父先難蚤卒母田矢志與曾祖母齊伯祖母續河南通志卷之五十七人物志孝友 陳州府

趙小姑烈女稱一門四節發爲遺腹子謹承母教學行兼至登賢書例爲令以母老辭不就

趙華本睢州人康熙間奉其父母徙西華家貧甚爲人傭耕竭力供甘脆鄉人異之遺以錢粟不受間有不能却者則施茶飲行客親歿葬日雨雪寒甚掩坎後以一蓆自蔽臥墓側其女泣挽之歸不可乃窖地結草廬處其中三年

何新書西華人居沙水北岸與妻楊皆以孝稱一日沙水驟漲廬舍多漂沒新書夫婦以母棺號泣不忍去其屋傍忽有大柳亘其前擁沙成堤卒至無恙人異其孝

李大耀字念育西華人事繼母盡孝弟文耀早亡撫任甚於所生歲災嘗貸六白金見閭里流移者輒量口授之嘗承父志捐學田建名宦鄉賢祠閭里稱長者李蘭禧字森若商水人遭闖寇父病痿蘭負以行遇賊欲劫之蘭涕泣哀求願代父死賊感勿殺後五子皆成名封奉直大夫

李震昇字廣育蘭禧子父病祈天請代父果愈母病侍卧榻日夕不眠積勞成疾猶勉力奉左右不使知三載母歿哀毀踰禮遇弟病輒憂戚不食其他立義塚修橋梁鄉里尤德之當事題請旌表弟震普字希音亦以孝友稱

續河南通志

卷之五十七

人物志

孝友

七

陳州府

萬如洛字滙菴淮寧人選貢生廉靜不苟言動城居三十年不一入市廛事母孝母體微不安雖隆冬寒夜輒立戶外不敢寢及卒哀毀骨立著有香草亭詩京雜吟

雷顯宗淮寧人父患癱藉重褥下體猶寒不可耐顯宗以手撫父足二十七晝夜覺微煖病漸痊及卒哀毀幾滅性母卒亦如之雍正十年旌表入祠

楊安辯字異行本姓周祥符諸生寄籍西華父聖化康熙壬戌進士官秦州牧以事罷官歿於秦安辯奉柩葬西華痛父死於患難歲時不受兒女拜賀終身素衣冠杜門謝客大中丞疏薦宏博以疾辭尋卒子仲

遠乾隆癸酉舉人

劉璐字石渠沈邱人父祖向以進士知光澤縣忤逆藩
罹重譴璐奔走豫閩艱苦萬狀家業蕩盡始得奉父
歸親歿哀毀骨立康熙壬午登鄉荐考授中書

楊棟 李帝培 淮寧人 孟化梁 張士賢

葛松 劉桂 劉一魁 太康人 以上七人皆親死廬墓

王贊 陳亮友 太康人 趙得弼 西華人 夏世彩

張和玉 頭城人 以上五人皆親病割股

張桐叟扶溝人以貢任教諭性好施父執有貧無依者
如輝縣張韜之養之終其身遇歲荒嘗出穀豆五百
餘石賑鄉里晚精岐黃就醫者藥不受謝州人尤感
續河南通志 卷之五十七 人物志 孝友 三 陳州府

其德

李桂芳字月樵西華人父和春嘗捐千金修周口北橋
桂芳承先志歲歲完葺雍正元年河決滎陽水南駛
華邑諸河水尤險桂芳卽時築隄防完固鄉里賴之
李國輔字公著西華人雍正元年大水橫溢近村多淹
沒國輔念非築隄通溝不可乃慨捐膏腴田築隄一
道其有礙他田者輒以已田償之復率衆䟽通南北
淤溝水始有瀉患遂絕

許昇淮寧人里中有搬醫口至賀家溝爲通衢水冲多
淖行旅病之昇捐金培其道計丈七百有奇不數載
爲水所决昇復修之工垂竣而水驟漲又壞昇曰爲

善不終與不為等復鳩工築土較前益固所費蓋不貲云

閻聖言項城人邑中建普濟堂聖言捐地千畝屋三十間聞於朝議補州司馬以年老不仕願經理堂事凡寒暑衣服疾病醫藥體恤曲至乾隆五年行寄倉令聖言曰人已兩利良法也首貯穀百石於官以為倡

王文光項城人武生性好施濟邑建普濟堂捐地三頃王三十畝人焉聞奉旌

焦興國 徐鐸 龔自行 竇興傑

高九成 朱坤 吳居敬 雷紹宗

續河南通志 卷之五十七 人物志 孝友 堯 陳州府

孟鴻儒 孫可玉 楊慶 程述孔

任志誠 淮寧人 張幟 張尋 沈邱人 以上十人皆樂善好施

王之法 淮寧人 趙全信 商水人 以上二人皆六世同居 宋輔 淮寧人 拾遺金

訪還 原主

命聖言曰人曰兩縣其表也首領錄曰

武康醫家與幾家醫藥歸州全

開闢蘇州行醫以平才不出縣

開聖言項城人邑中普濟堂聖言捐地千畝

費云

許州

劉宗洙字長源襄城人明季闖寇亂圍督師汪喬年於襄城宗洙父漢臣以從事佐守城城陷喬年罵賊死并執漢臣受數創幾斃宗洙弟恩廣兩耳皆斷號泣負父歸時宗洙已遁去聞父難往赴賊怒截其耳鼻後數載父遭疾宗洙取糞嘗之事甚秘鄰人妻從壁隙竊見之以語其夫於是共傳嘗糞孝子父歿兄弟破產營葬養母數十年及卒結廬墓側毀瘠骨立嘔血死

李在公字梁門襄城人值河決兩岸飄沒田舍在公煮粥道旁鄉里多所全活

續河南通志

卷之五十七

人物志

孝友

許州

卞時琨字琢菴鄆城人乾隆五年邑荒琨捐銀二百兩濟貧之上官旌之

張仔觀長葛人葛令米漢雯議遷學宮觀與同邑張勳協力捐地基今尊經閣前至泮池卽其地也

李崇輝許州人幼失怙家甚貧拾柴易米以養母母卒廬墓三年雍正十二年奉旌人祠

魏萬侯許州人雪映嵩襄城人程海龍長葛人程恕長葛人

廬墓張朝詢許州人郭存臨潁人

胡希聖鄆城人親疾嘗糞

曩基盛許州人有孝行乾隆三年旌

蔣理襄城人年十九父令範被害於土賊袁驟子母亦

亡理奮身捺刃入賊巢殺之仇始雪

常吉士襄城人父病沉痾士百方調治愈後壽終廬墓
三載雍正十三年 旌

耿瑾襄城人性孝父病欲食西瓜不得後終身不食瓜
乾隆元年 旌

張希堯字景唐長葛人父則明久客不歸時年十五奉
祖母命尋父遇寇被獲泣告以情寇竒其幼而知孝
釋之二載尋父歸

韓茂林許州人任兵部司務年老假歸乾隆四年大水
茂林捐麥二百石賑飢七年復捐米百石施粥修刻
志書倡捐銀二百兩同里范繩仁乾隆四年亦捐銀
續河南通志 卷之五十七 人物志 孝友 三 許州

五百兩助賑七年復捐施粥米四十石鄉人共稱之
尚上本許州人多義行雍正七年隰水暴漲鄉閭漂沒
被水者百人寢食無所上本招集於家復構茅棚數
十間爲栖止又賑粥二十餘日題 旌入祠

姚邾字允之襄城人祖太守成性父庠生兆鶴皆殉前
明之難邾哀慟幾至滅性及殯廬墓三年與弟郡竭
力事孀母各極孝養且相勉力學邾著有逸吟集郡
著有松筍集邾子肅邑貢生任鹿邑學博兩舉博學
宏詞俱不就著有五經論說等書

張本演襄城人值汝河暴漲捐貲修補堤堰三十餘丈
無復水患鄉里賴之

汝州

劉昌嗣字繩武伊陽廩生父為土寇所害嗣控於官不得直欲手刃之又不得聞寇死哭曰仇不可復矣何生為遂自經死

李應卜字台三郟縣人六世同居出粟千石賑濟飢荒

全活甚多奉 旌入祠

錢丁言汝州人母病割股奉 旌入祠同里馬駮母卒

廬墓三年

龔之珍 勝 腰 胡起龍 傳 誠以上俱汝州人

不昧遺金

王嘉圖汝州人世以孝聞兄弟嘗相謂曰兄弟和則父

續河南通志 卷之五十七 人物志 孝友 三 汝州

母順父母順則天地格子子孫孫勿替引之矣今子

姪八人諸孫十六人曾孫又八人合男婦六十餘口

嘉圖綜家政內外曲當六世一堂雍睦無間

發丁言汝州人新誠德學奉 旌入祠

全活甚多奉 旌入祠

李應卜字台三郟縣人六世同居出粟千石賑濟飢荒

全活甚多奉 旌入祠

錢丁言汝州人母病割股奉 旌入祠同里馬駮母卒

龔之珍 勝 腰 胡起龍 傳 誠以上俱汝州人

汝州

陝州

王經言陝州人貢生恪守家規四世同居宗黨待以舉
火者數十家

王節昇陝州人家貧事孀母盡誠孝母疾衣不解帶親
侍湯藥三年母故過墓必致哀至老不改

鄧白璧弟蒼璧陝州人父死兄弟皆廬墓三年

元懷恩 樊德輝 王忠俱陝州人親疾割股以進

生員楊甲科 趙如錫 趙琨

生員水大洙 水大本 史作蕘

貢生梁士龍 孫善修 訓導韓辛

莫我元 生員楊雲程 李芬

續河南通志 卷之五十七 人物志 孝友 三 陝州

謝承教 劉振威 莫若廉 張成已

楊漣 張止仁 貢生賈文煜

李春秀俱陝州人急公好義有利濟功

王時亨閩鄉庠生母歿廬墓值母生辰與兩弟祭而哭

曰母在地下已逾年矣血肉至今不知如何也言訖

一慟而卒時久旱忽風雨大作三日乃霽咸稱其孝

屈鍵 杜盛林 楊國玉皆閩鄉人親死各廬墓三年

郝謙閩鄉廩生任寶豐訓導嘗捐數百金為本地除穢

弊又遇歲荒出粟百石濟鄉里

杜椿字大年閩鄉廩生遇歲飢出粟百石賑鄉黨任商

水訓導復捐貲百金修葺學宮諸生勒石記之

馮繼京字文起閩鄉庠生任臨潁縣訓導捐修學宮康熙六十年捐租百餘石鄉里推重之

張用光閩鄉人順治八年正月山寇突至光捐軀捍父連刺二賊身被害父始得脫以孝烈奉 旌

王平世閩鄉人出六百金建義學復設立社倉捐穀麥數百石濟貧乏

成天欽閩鄉庠生嘗歲荒鄉里待以舉火者百餘家

鄭廷用閩鄉人家貧傭力養親日必歸省親死典身營葬

申明誠閩鄉人孝事繼母開渠引水荒年蠲租設立義館里人義之

續河南通志 卷之五十七 人物志 孝友 言 陝州

雷鳴臯盧氏人進士性孝友父母病侍湯藥衣不解者

五月授廣宗縣知縣調繁淑浦有惠政祀鄉賢

賀時盧氏人庠生父死廬墓克繼父志捐地二頃爲修

巨庠序資又捐銀二百五十金建申明亭並買地積穀以備荒祲又捐地六頃建義學賑濟孤貧雍正十

二年奉 旌

劉志璵盧氏人父焯以貢生謁選卒京邸璵徒步乞食負骸骨歸里安葬先塋

常克讓 蘭宗相 王麟振 雷繩武

杜 謙 常廷璟 王 鏗 王爾釗

劉待聘 王惟一 田養賢 陳玉璽

王麟昭

范秀生

王成已

張欽

常伯士

皆盧氏人以孝義稱

段長福盧氏人三拾遺金不昧大府廉其事入彰善錄

郭義度

雷

順俱盧氏人以孝稱

馮繼祖

田繩家

張協

張鴻翥

湯澤

强璿

毛洪昇

王振鐸

金銑

陳遂

金爾振

皆閩鄉人捐麥濟鄉里

王篤閩鄉諸生立義學教貧士死無棺者殯之饑無食

者賑之人頌其長厚

續河南通志

卷之五十七

人物志

孝友

三

陝

州

涂山字子壽光州諸生明末流寇陷光州設僞刺史有王正者黨逆而爲之役山父可登與婦兄胡章謀襲賊事泄度不免可登遣僕護妻子他避乃單騎馳至塞河王正追及刺可登墜馬可登大罵正斷其首去寺僧感登義匿其首於河中涂僕廉知其處裹頭及屍還葬順治乙酉寇平涂氏復故居時山年十三日淬利刃號哭曰必報父讐聲動鄰里如是十年卒得王正手刃之

黃永傳字奕光州人父攫廢疾永傳奉侍左右凡衣履藥餌必身親之十餘年戚里宴會皆不與絕意名續河南通志卷之五十七人物志孝友

光州

塲著方書四十餘卷

吳弘緒字克家固始諸生遭父母喪蔬食廬墓三年撫族中兩孤如己子歲飢出所儲賑鄉黨全活甚衆以孫士功貴贈中大夫

吳用烈字南長固始人官淇縣訓導性孝友盡以腴產讓諸兄嘗因鄉俗不睦置鳴攻責善鼓請於官行之一時驕抗者咸馴化值霖雨淮水漲溢居民陷溺以船載米救之全活者千餘人以子士功貴贈中大夫陳翠字芝山光州人值歲荒臺潁飢民集州境遞染疫症芝山設局延醫施藥年餘全活甚衆

劉允澍息縣人光州鎮潢橋圯知州劉學禮倡修澍捐

地二十餘頃變價助工

許熙載固始人父死廬墓三年

續河南通志

卷之五十七

人物志

孝友

三

光

州

許熙載固始人父死廬墓三年

地二十餘頃變價助工

續河南通志卷五十八

人物志

文苑

豫自鄒枚莊馬之後詞華大啟至建安諸子而豫之風雅稱極盛矣

國家作人之盛昭回雲漢而且崇實學黜浮華雖山陬僻邑亦靡不願家修廷獻以上佐

文明之治况中土山川靈淑之氣尤被化最先者乎吾見雅頌和平之聲同風三代又不僅如漢魏文苑諸人徒以文詞爲貴也續文苑志

開封府

續河南通志

卷之五十八

人物志

文苑

一

景暹字遜翁通許人十歲入庠卓然自立深於周易尤嗜程傳作讀易五則刻石學易堂又取司馬通鑑朱子綱目大學衍義補考覈人物事類以求實用嘗謂道不遠人凡日用行習動靜語默其天理合當處卽所爲道須在在省察方有真實受用性孝母病虔禱請代竟延母生歷十年飲食藥餌必手奉不敢離篤於宗黨有施無德色倡衆約婣睦社月一會一豆一觴立四隅爲鄉人勸臨終囑其子無用浮屠及淫樂一遵家禮著有家訓隨筆瑣言孝經貫通正解諸書

中牟冉覲祖表其墓子份字心水康熙乙酉舉於鄉因父年衰三試不赴禮闈父歿哀毀盡禮辛丑成進

士復以母老不仕杜門講學及卒門人私謚文貞
孔衍勳字燕貽杞縣人嗜古好學以詩賦知名與睢州
湯斌讀書邑東許家岡互相砥礪順治甲午舉於鄉
授汝州學正補信陽州學正造士稱極盛焉所著有
彙雅樞斤文行辨體十則

羅繼謨字允嘉杞縣人生而聰穎異常有書賈來訪一
茶畢已將名稿百篇閱遍皆能記誦順治己亥成進
士選庶常轉刑部員外坐謫左遷世爭珍其遺稿

侯運昌字敬韋杞縣人工詩古文詞甫脫稿人爭傳頌
然昌不欲以此自鳴發憤鼓志慨然以聖賢爲可學
日夜警惕偶雜念一起卽切齒椎心引手自槌其股
續河南通志卷之五十八 人物志 文苑二

研精六籍尤邃於易著周易印心圖贊發先儒所未
發子洛字企淳學行卓有父風

侯方曾字文榮杞縣人康熙甲子舉於鄉少年爲詩以
發抒性靈爲宗後與海內諸詩人唱酬討論法律益
細所著有鶴珠堂詩文稿

何燮光字叔獻杞縣諸生幼賦異姿年角壯號五經笥

纂修邑志多出其手任濟源訓導所著菱谿集詩史

館雜咏行世

歸德府

練貞吉字石林永城人順治初拔貢與商邱侯賈諸人
相倡和讀書自娛有叢言詩話掃葉居士集行世學

者稱爲石林先生

徐作肅字恭士商邱人作霖弟幼受學於兄及長有文名與侯方域賈開宗交善舉辛卯鄉薦著有詩文集若干卷

李天馥字湘北永城人進士由翰林歷吏部尚書武英殿大學士值天下太平從容佐理若無他技工詩所著有容齋集卒謚文定子孚青字丹壑官編修有野香亭詩爲時所稱

劉榛字山蔚商邱人受業於徐隣唐刻勵爲文手一編洵寒盛暑不輟宋犖極重之著虛植堂詩文集行世高玠字荆襄柘城人進士授中書遷山東道御史疏請續河南通志

卷之五十八 人物志 文苑 三

建儲爲時所稱奉使西藏運糧居塞上十載始奉召還歸田教授生徒學者翕然宗之年八十卒著有三素堂文集讀史管見等書行世子三人皆登科有文譽

張宗說字蓬宰夏邑人少孤母呂氏授以經書踰年遍讀雍正癸丑成進士入翰林肆力於古思振興詩學上繼北地信陽學士方苞嘆爲中州之雋卒年才三十七性鼠孝母病目晨夕舐以舌得愈卒時猶口呼母不置也所著怡雲草堂詩若干卷

湯準字穉平睢州人斌子性端凝慨然以聖賢自期居內外憂哀幾滅性諸兄或有疾終夜徬徨俟愈乃喜

雍正元年詔舉賢良方正州守薦之辭勿就研究性命宗旨務實踐不立講學名不肯爲世俗攻訐態晚年闕臨漪園讀書其中學者稱爲臨漪先生著臨漪園類稿

湯之暄字亮宇睢州人文正斌之孫賦性穎異以諸生援例貢成均精詩古文辭著詠古詩擬南遊詩行世彰德府

王道月字仲朗湯陰人性孝友好學能文順治丙戌舉北闈未及授官而卒道月善說詩往往得風人言外之旨至易與尙書春秋左史諸書俱有講解

吳振周字起王安陽人世襲指揮使少補諸生好讀書續河南通志卷之五十八人物志文苑四

富文詞尤勵行檢與湯陰董襄爲詩文友一時名士重其名雖饘粥不繼無所干人益重之

李燉字履素武安人康熙丁丑進士善屬文嗜吟咏所著有竹間嘯詩集學士家薰其教者多所成就爲人樂善好施遇事有幹畧未及筮任卒人多惜之

李陶世字駿螭安陽人祖梯舉萬曆丙子鄉試陶世能詩以諸生終所著有龍隱齋詩一卷弟維世字菊冕亦諸生一時從遊者多賢雋王槐一許三禮尤知名所著有石魚齋詩子鍾盛字大根順治乙亥進士任介休令有政績陞亳州牧未仕卒

宋鳳來字君羽安陽人自少有文名以拔貢仕肇慶通

判陞柳州知府多善政未幾謝病歸嘯詠林泉著研
北居詩集與吳振周李陶世稱鄴下四子

張幽字西巘安陽廩生好學能文尤工著述所著有迂
野子道書洄上吟讀易偶筆淺言郡志草諸書

衛輝府

郭迺熙字駢臣輝縣人號其陽居士讀書不屑制舉業
從孫竒逢遊晚年尤嗜學以正心立品爲要孟莊有
星聚堂湯斌爲之記李滋撰其陽居士傳

劉啟祥字瑞宇滑縣人潛心理學以貢授廣文敦崇實
學齊魯燕趙之士從遊者甚衆歸田後墮戶讀書垂
老彌篤四子十孫咸登仕籍所著有大學要旨書經

續河南通志

卷之五十八

人物志

文苑五

心法行世

賀行素字居易獲嘉舉人性嗜學沉酣典籍孫竒逢銘
其墓曰君子之藏著有容燕草亦在園集

殷元福字夢五新鄉人七歲通小學近思錄十一歲據
拾五經大旨父卒家貧借故書依母紡車前假餘燭
光終夜朗誦爲文力追先正不逐時趨康熙甲戌成
進士選翰林改聊城知縣再補武進知縣俱有政績
解組後高安朱軾方撫浙延主敷文書院明體達用
一時呼小白鹿洞所著有寓理集附史斷數十則候
鳴集知非草讀易草及卒學者私謚文介先生

孫淦字靜紫輝縣人望雅子

望雅見前志

年十一能彈琴賦

詩康熙壬戌成進士授中書歸里後抄錄祖父遺書刊以行世卒祀鄉賢所著有四書醒義擔峯詩四卷遊記四卷行世文集六卷藏於家

懷慶府

鍾國士字爾知河內人家貧親老無以爲養弱冠卽教授生徒以供甘旨遭母喪哀毀過禮聞孫徵君倡道蘇門遂徒步受學得聞伊洛淵源幾忘寢食歸緱山題其齋曰存心讀書其間箏瓢疏水甚自得也嘗手錄楊誠齋易傳朝夕潛玩與從學者講論孝經孜孜不倦人得與之遊莫不飲醇酒坐春風焉丙寅夏偶感疾自作輓詩沐浴更衣而逝著有存心齋詩文若干卷藏於家

續河南通志

卷之五十八

人物志

文苑

六

張燦然字天章原武人讀書好稽古潛心伊洛之學聞孫竒逢講學蘇門山徒步往從竒逢深器重之及歸從學者日衆講論畢卽屏居一室端坐終日不動里人罕識其面著東室詩草

薛昭字彩玉原武人貢太學歸絕意仕進築室西苑講學其中教人以崇實務本爲尚詩古文詞皆有古人風著有學庸講義稿

河南府

焦賁亨字汝將登封人順治壬子舉於鄉官興化司李多所平反委察瀕海諸邑安輯全活者數萬閩人刻

石紀其德擢瑞州郡丞而歸性軌邱壑案上多列山經水志嘗病傳刑臺嵩書蕪陋考正諸書親歷二室成嵩山志行世同邑耿太史介修復嵩陽書院推主壇坵文風爲之不變

張星煥字拱辰嵩縣人康熙甲子舉於鄉沉潛於學授諸弟經史各隨其才成就之見諸家四書講義務穿鑿乃著明辨二十一卷爲仇滄柱何屺瞻所許又著西銘注解日省錄天樂堂恒言家規合參無不根極理要有所發明孫爾銘亦善屬文中乾隆戊午解元任衛輝府教授

陳榕字元熙新安諸生少志濂洛關閩之學檢身制行續河南通志

卷之五十八 人物志

文苑

七

以雲浦明德兩先生爲法康熙甲辰成進士聞呂簡齋宗伯講學宏運書院卽往謁談論竟日不倦除馬邑令邊陲殘破招集流亡賑貧恤孤以邑多逋欠終不可爲痛切白之上官請告歸主教嵩陽書院遠近問業者甚衆著有四書認註說近思錄續朱編

呂履恒新安人康熙甲戌進士授寧鄉令歷戶部侍郎有政績詩詞古文皆足發聖賢奧旨有關風教遠近稱爲儒宗卒祀鄉賢著治古堂文集夢月巖詩集

趙賜琳字玉林鞏縣人年五歲從父受孝經曉大義嘗啟其父曰人如不孝何以爲人父語以小學易行者輒行之十六通諸經旁涉子史有文名琳曰學匪如

是已也請於父從耿介受業介與闢佛氏辨老莊論
圖書經緯朱陸異同而於孫鍾元共解獨解之說闡
發尤詳歸益力行親老不復應科目建立本書院聚
生徒講性命之學以明經終

姚爾申鞏縣廩生爲學以明心見性爲根本深爲湯潛
庵耿逸庵所契賞湯云義理所見針芥不爽吾道之
幸不勝喜躍耿云英卓自立獨能於書冊中尋求大
本有希文永叔之風中州傳人意在斯乎所著有日
知錄芸窻手草潛陽問答嵩談錄太極圖辨希庵說
理學要旨詩文序跋類集共八卷藏於家

黃鈺字金心洛陽人乾隆壬戌進士性至孝以父母春
續河南通志卷之五十八人物志 文苑 八

秋高不赴選居恒布衣徹履勵志於學後進多所成
就及卒學者稱爲文振先生

董一鶴洛陽人國學生事親以孝嘗與同里劉司直來
永福黃沁周恪以性命之學相切砥生平周急濟貧
鄉黨稱爲長者

王芝蘭字吉人嵩縣人博聞強識通六經闢書齋於村
西讀古其中捐寢食累月不出得新意輒欣欣自樂
著有大易夢見易經句讀質疑集一卷伏羲始畫八
卦圖解圖書說八卦周易解義又詩經會意解詩經

彙鼎書經會意解春秋會意解樂記闕里樂志爾雅
細釋兩晉地年表西銘圖解古詩可興集歷法求故

集一卷南華推見集以歲貢生爲新野訓導年七十卒

南陽府

彭始奮字海翼一字中郎鄧州人而述子兄弟六人始起始奮始超始奮皆能詩漁洋山人嘗有詩云舊識中郎羨新高第五名卽始奮也著有娛紅堂詩草

彭如芝字德馨南召人舉人選訓導遷教授門下受業百餘人談天性命之理陞石城令盡洗積弊捐修書院聚邑人讀書其中未二載卽告歸布衣牛車逍遙里開晚年益聞聖道與羲文周孔相晤對

李鴻字青立鄧州人少而能詩先後走京師爲合肥龔續河南通志

卷之五十八

人物志

文苑

九

芝麓新城王阮亭所稱道謁選得青浦縣丞有紅香閣詩六卷妻彭氏而述次女有蝶龕詩一冊爲阮亭所點定

陳州府

張華字淳民西華人嗜古力學喜爲詩古文詞與邑中楊安辯胡靜金鳳振諸人往來酬和著陰符經註離騷經註抱影廬集子遠覽乾隆己卯舉人

汝州

仝軌字車同邗人性聰穎書三過其目卽背誦十過終身不忘然每一葉必千之冬月就火吟誦火燃衣及膚乃覺康熙乙酉舉鄉試第一赴禮部試方苞林佶

徐用錫劉巖諸人皆以軌少知名晚乃遇爭來識面
安溪李光地曰是科元卷當以中州爲第一何焯颺
言於衆曰本朝無三元若車同擢進士第一廷試
日當共奏之以成盛事乃竟落第歸逾年而卒先是
劉青黎入都誦其詩於王士正士正驚詫以手書遍
慇懃軌酬以詩詩載居易錄著有夔園真志堂等集
行世

許州

李來章本名灼然以字行號禮山襄城人康熙乙卯舉
人嘗與耿宮詹介冉翰林覲祖講學嵩陽書院世稱
中州三君子授連山令值猺亂後力行撫字猺獐格
續河南通志卷之五十八人物志文苑十

心行取授兵部武選司主事監督倉儲差滿告歸九
卿以學行醇正薦被徵以疾辭子夢麟字滄雷著有
拙修齋詩文集

劉宗泗字恭叔襄城舉人幼喪父奉母至孝兩兄以哀
母氏卒遂撫諸孤勉之學各著名於世鄉薦後再赴
禮部試不第乃絕意進取研味儒先之書至老彌篤
盤屋李頤上蔡張沐中牟冉覲祖睢州田蘭芳皆其
談道論文之友卒年七十七著有中州道學存真錄
恕齋語錄抱膝廬文集襄城文獻錄子二青蓮青芝
劉青霞字嘯林襄城廩生勵志力學酷愛司馬遷班固

書精研尋玩熟悉歷代帝王將相世系典制升降理

亂原委有卅載縷縷陳綱大無遺所著慎獨軒文集
華萼園詩史論若干卷子伯梁字鴻齋亦以文學世
其家著有鴻齋文集雪夜錄等書

劉青藜字太乙襄城人康熙丙戌進士選翰林院庶吉
士能詩文王士正宋學顧圖河皆傾服其才留都未
半載請養歸著高陽詩文集金石錄行世弟青震舉
人考授中書亦有文名青震子百川世其業

劉青蓮字華嶽襄城人貢生喜讀書殫心力思索得解
乃止少學古文辭晚乃爲詩自成一家言至性友于
愛其弟芝尤甚寢食必俱依戀如形影芝以館選留
都下遵念之不置冬月踏冰走二千里相尋入門相
續河南通志卷之五十八人物志 文苑 十一
嚮哭芝亦以思兄請假歸著有七一軒稿古今孝友
傳學禮闕疑等集行世

萬邦榮字西田襄城人肆力於學尤好爲詩湯右曾劉
師恕督學中州咸器重之庚子鄉薦屢試禮闈不第
蔡挺爲總憲薦充史館纂修稽留史局者三年及開
博學鴻詞科河東總督王士俊上其名又被落後以
史館議叙授莘縣知縣卒于官

張鑿字太阿襄城人明副憲寧孫孝廉永祺子祖父皆
以節義文章著聲當世鑿幼穎異喜詩賦事親以孝
聞家固貧饗殮常不給而謦聲出金石一日大雨屋
漏無乾處張蓋坐床上吟詠自若冬月以濕薪燃火

烟焰盈屋人望之不堪入手執一卷坐艸薦以燎殊
自得生平作詩幾萬首青霞閣集所存僅五千首耳
以歲貢終子本沅字員嶠少善文迄老不遇著有乾
初齋詩集秀水張庚嘗選有張氏四世詩鈔問世

陝州

靳柱明廬氏貢生博學稽古明季兵燹後邑乘盡亡柱
明復創爲之

光州

胡演字子延光州人仕內閣中書歷兵部武選主政歸
里後著鉢池東軒集紺園稿燕京詩白下吟南游草

杜詩註釋等書問世少年從董文敏游書繪皆步武

續河南通志

卷之五十八

人物志

文苑

七

焉





30
21